

聞人氏痘疹論

聞人氏痘疹論卷三

面青爲逆者何第四十

瘡痘以心血爲主身熱煩燥驚悸面赤皆  
心經形見也所以面赤者爲順者今反見  
青色是色不與病相應安得不謂之逆當  
更察他病隄防之實必生風虛必下利厥  
逆各宜思所以預制之庶幾治未病之意  
也

遍身發青紫紋者何第四十

此由外感風寒與內熱相距故也瘡痂之  
出蓋熱邪內外蒸發其有當熱作之時忽  
遇天氣大寒熱氣方運出而暴寒折之外  
寒爲內熱拒而不得入內熱爲外寒閉而  
不能出毒氣壅於肌皮之間如癰疹如癰  
點或青或紫俚俗云鬼捻青者是也往往  
壯年出者皮膚厚肉理密尤多此證宜用

透肌散牛蒡偃蠶散紫背荷葉偃蠶散凡  
是却寒溫肌透表之劑皆可選而用之也  
透肌散卽化毒湯治瘡疹出不快

紫草茸

升麻

甘草 炙各五錢

右件如麻豆大水貳盞糯米五十  
粒煎至一盞去滓放溫分作數服  
劉氏傳云麤豆瘡欲出渾身壯熱

不思飲食若服此一服卽內消已  
有一兩顆出卽解其半若令出卽  
當日頭焦只三服瘥

牛蒡僵蠶散卽獨聖散見前二十九條

下

紫背荷葉殭蠶散卽南金散治瘡疹已

出而復顯其勢甚危

諸藥不効者萬無一

失出奇効良方

紫背荷葉

霜後塔水  
紫背者

白僵蠶

直者炒  
去絲

右爲細末各壹錢七小兒半錢研  
胡荽汁和酒下米飲亦得本家在  
處貼印施人其全活者甚衆蓋藥  
有用龍腦人牙齒者卒難得之唯  
此藥無毒而効速荷葉卒難得可  
於鹽鋪內尋之

狀如蚊蚤所齧而色黑者何第四十

二

此榮血不能流行內外毒氣壅遏欲散而未散故也瘡痘屬血熱血活則其色如丹砂如雞冠若毒凝血聚則遂成黑色有是證者甚爲危困其人必大小便秘喘急煩躁宜用山梔子湯宣毒膏治黑瘡子無比散莊氏云斑瘡倒靨而黑色者謂之鬼瘡

子宜獐猪尾血調腦子最佳猪尾血調腦子證其人自利不食者難用不可不審

山梔子湯治痘疹及斑毒狀如蚊蚤所

嚙毒盛黑色者

山梔子仁

壹兩

白蘚皮

壹兩

赤芍藥

壹兩

升麻

壹兩

寒水石

五錢

甘草

炙五錢

右爲細末每服壹錢水八分入紫



草薄許各少許同煎至五分去滓

放溫服

宣毒膏治毒氣盛瘡疹已出不快倒靨

急服此藥曾經大効

積猪血

先腫六日取後尾血一升用簪瓦器盛

好硃砂

細研壹兩

揀乳香

細研壹兩

甘草

炙爲末五錢

馬牙硝

五錢

片腦

麝香

右件一處同猪血拌勻用一寬新  
竹筒底節一箇盡入諸藥在筒內  
用密紙數重繫定於大糞坑屋梁  
上至清明日取出曝乾更入腦麝  
各壹錢細研勻滴水丸如皂角子  
大煎人參湯化下一丸若毒盛瘡  
黑腫服之者瘡疹紅活再長神驗  
無比散治瘡子惡候不快及黑瘡子應

一切惡候

辰砂

壹兩研細水飛

牛黃

片腦

麝香

臙粉

各壹分研

右爲末一歲兒服一字大兒服壹錢以獾猪尾血三五點白湯調下安睡取下爛魚腸或如葡萄穗之狀涎臭惡物乃効用乳汁調下亦

好此藥專治瘡痘熱毒太盛癰癤  
榮衛不行外不得泄而內不得通  
毒氣在裏外則瘡疹黑色裏則腹  
脹喘急譫語大小便不通昏困者  
宜服之此其有毒則用其藥無不  
効者或設或瘡黑靨裏無腹脹無喘  
急無譫語無大小便不通無昏困  
大便反如常或反利者則無比散

不可用也

既出而腹脹者何第四十三

腹脹有二證一則陰陽不和一則毒氣陷伏入裏瘡痘正作熱毒既盛則必生煩渴或飲冷過多或誤投涼劑熱爲冷所激欲出而不能冷熱相拒毒不發越故令腹脹甚者氣喘發厥瘡白而無血色多致不救急當以溫中藥疎逐冷氣冷氣散則腹脹

自消昧者莫不又用藥宣瀉致令重困且傷於冷者必不能食大小便利腹中虛鳴此傷於陰陽氣不和也若毒氣陷伏入裏者但用溫平解毒快氣之劑如人齒散活血散之類大抵毒氣陷伏者必又有他證相雜或煩躁大渴或大小便秘或啼哭不止萬一腹脹而目閉口中如爛肉臭者其證爲大惡

人齒散治瘡疹已出而不快既出而倒

靨患瘡疹作寒熱而脉反遲者  
或攻皮膚而出遲或面額赤脉  
不洪大者或服涼藥過多血凝  
氣弱或出未快隱隱在皮膚間  
以酒調服之錢乙附方治瘡疹  
倒靨入屑香酒調服之尤佳又  
云瘡疹倒靨不出加赤小豆七

粒薄苛酒調服之若黑色者名  
曰鬼瘡子用獐猪血調下貳錢  
移時再服之

人齒

壹箇燒存性

右用人齒脫落者以堯瓶固濟大  
火煨令通赤候冷取出爲末用薄  
苛酒調服半錢良久脉平毒氣散  
瘡如粟米而出



活血散方見前三十六條下

小便赤澀心腹脹滿者何第四十四  
伏熱在胃則中有所隔上爲心氣不降故  
小便澀少而赤下爲陰氣不升故腹中脹  
滿董氏用四聖散發出其毒得胃中熱散  
則邪氣自然冰釋詳其藥味紫草發散黃  
耆養瘡痘解毒枳殼和氣寬中木通導心  
氣而利小便又以甘草調和之古人用一

藥必有理存焉可不以意推之

四聖散治痘瘡出不快倒靨毒氣入腹  
小便赤色心腹脹滿

黃芪

紫草茸

木通

甘草

各等分

右用水一盞煎五分溫服

出遲而朝夕啼哭者何第四十五

凡人五臟平和則精神安靜有病則不然

今瘡痘是五臟蘊毒當內外蒸鬱發作之時朝夕啼哭者由不安舍察其毒氣在表在裏若虛若實隨證殮泄大抵榮衛流通則神宇清快昧者不知見其朝夕啼哭或以爲心熱或以爲腹疼妄亂投藥以致冷熱偏勝變生他證可不審哉

煩躁或虛煩不得睡者何第四十六調護瘡痘當審次序盛作之時必令心火

有所導引苟或不然毒氣已出而未盡遂生煩躁宜以生黑豆煎湯令徐徐飲之渴者冷飲可以解散熱毒召復陰氣抱龍九生犀磨汁等皆可選用甚者新汲水調沙糖少許飲之又有津液不足虛煩不得眠者活人書酸棗仁湯最佳

抱龍丸

方見前十六條下

酸棗仁湯治痘疹虛煩驚悸不得眠

酸棗仁

甘草

知母

白茯苓

麥門冬

川芎

乾薑

各等分

右剉散用水一盞煎五分溫服不  
拘時

或吐或瀉而不能食者何第四十七  
此有冷熱二證吐而不渴瀉而手足冷面

色青白此冷證也益黃理中輩主之既吐  
且渴雖瀉而手足心熱面戴赤色居處喜  
冷此熱證也五苓散竹葉石膏湯加橘皮  
等主之不食亦有實虛之異脾胃怯弱精  
神慢而不食者爲虛當溫養之身熱中滿  
渴而不食者爲實當清利之臨病之際貴  
在熟察之而已矣

益黃湯方見前二十六條下

理中湯方見前十六條下

五苓散方見前十六條下

竹葉石膏湯治痘瘡表裏俱虛胃中煩

悶小便赤澇多渴成赤斑

點者又宜服犀角散

石膏

貳兩

知母

貳兩

麥門冬

壹兩

甘草

壹兩

橘皮

加

右爲剉散每服抄參錢水一盞淡  
竹葉一握煎半盞溫服不拘時

便血或下黑糞睡不醒者何四十八  
瘡痘雖是溫毒而發所以爲之運者實血  
也今大便下血是裏毒大盛下黑糞者  
其理亦同加之睡不醒者證候爲甚惡蓋  
一身之血心爲之主便血下黑糞而又睡  
不醒則是心之神昏矣犀角地黃湯抱龍



九小柴胡湯加生地黃主之

犀角地黃湯方見前十八條下

抱龍丸方見前十六條下

小柴胡湯加生地

柴胡

人參

黃芩

各參兩

甘草

貳兩炙

半夏

貳兩湯泡七次

生地黃

加

右爲麤末每服三錢水一盞生薑

三片棗子一枚同煎至半盞去滓  
溫服

當下當救裏不同者何第四十九

瘡子半未出此裏毒未盡也若其人大便  
不通喘息腹脹煩燥作渴譫語不安者當  
急下之蓋毒氣彌盛內外皆熱當令大便  
稍稍潤過若其人虛弱自利四肢厥冷腹  
脹發噦者以裏氣虛也宜薑附理中輩急

救之一則言當下者毒氣大盛昏悶而死故也當救裏者恐裏虛胃氣脫絕故也虛實之證相反如此投藥之際可輕易也耶

理中湯方見前十六條下

鬱毒不散者何第五十

瘡痘之初斑點未見者惟當用平和藥如升麻湯惺惺散鼠黏子湯紫草飲子等解利之或有不問虛實便以胡荽酒灑之

苟酒飲之又火煨人齒酒調服之施之虛  
者猶庶幾焉若盛實之人則禍害至矣熱  
毒之氣須臾灌注耳目口鼻咽中閉塞大  
便堅閉小便如血是謂鬱毒不散毒氣無  
所從出反攻臟腑瘡凹而不起遂成倒靨  
當此之際不能解利至於斃者多矣是陽  
盛熱熾無陰氣以感之也如猪尾膏犀角  
地黃湯犀角玳瑁湯皆可選而用也得毒

氣解散。榮衛流通。瘡子將自出矣。且初覺  
頭疼發熱。或兼微寒。煩燥咽痛者。宜升麻  
湯。如聖。湯癢痒。或癰疹者。宜荊芥湯。面赤  
黃。大便澁。小便少。而或嘔者。宜小柴胡湯。  
不惡寒。但煩燥而渴。作赤斑點者。宜竹葉  
石膏湯。犀角飲。子大便難通者。宜四順飲。  
子如譫言昏迷者。宜承氣湯。或大便自利。  
黃赤而渴者。宜三黃熟艾湯。黃連解毒湯。

服湯中病卽止後服不必劑也

升麻湯方見前第八條下

惺惺散方見前第八條下

鼠黏子湯治瘡痘以出稠密身熱急與

此藥以防青色乾黑倒靨

鼠黏子

炒香壹錢

當歸

壹錢

甘草

炙壹錢

黃芩

五錢

柴胡

五錢

連翹

五錢

黃芪

五錢

地骨皮

壹錢

右剉散水一盞煎五分溫服不拘

時

紫草飲子治瘡痘出被風吹復不見入

皮膚內鬱熱不散者

紫草茸

人參

白芍藥

蟬蛻

甘草

穿山甲

土拌炒  
各等分

右用水一盞煎五分作三四次溫

服

猪尾膏方見前十五條下

犀角地黃湯方見前十八條下

犀角玳瑁湯卽玳瑁湯方見前二十九

條下

升麻湯方見前第八條下

如聖湯方見前二十九條下



荊芥散治麻痘子兼癢痒或癰疹大便

自過

右用荊芥少許爛研以新井水將布帛裂過入一滴許麻油打勻令飲之便不亂悶麻痘已出用黃蠟煎青膠水飲卽安

青膠水乃牛皮膠也

小柴胡湯

柴胡

炙兩

人參

參兩

黃芩

參兩

甘草

貳兩炙

半夏

貳兩湯泡七次

右剉散每服參錢生薑參片棗壹枚水一盞煎五分溫服

竹葉石膏湯方見前四十七條下

不加橘皮

犀角飲子方見前二十九條下

四順散治瘡疹至四五日不大便瘡子

又盛出却喘麤氣急腹脹小便

赤澁須用此方

大黃

甘草

炙

芍藥

當歸

各等分

右爲麤末每服抄三錢水一盞煎至六分去粗溫服不拘時候若得氣通不喘腹不脹便休與此藥若初覺有赤點子大便如常小便赤澁須用藥通大便要出快也若出

得色紅而快更不須通也

大承氣湯方見前二十五條下

小承氣湯治法煎法俱同大承氣湯

厚朴

五錢

大黃

壹兩

枳實

六錢

右二方宜臨時斟酌用之

三黃熟艾湯方見前二十六條下

黃連解毒湯治發斑熱甚心煩不得眠

黃連

黃芩

黃蘗

山梔

各等分

右水二鐘煎五分溫服若斑毒甚者加青黛壹錢調入湯內服之凡脉弦數內外熱甚譫語者合小柴胡湯主之若脉洪數內外熱甚舌燥煩渴者合化斑湯主之

斑爛者何第五十一

病當發散而不發散則毒氣閉塞喘促悶  
亂不當發散而誤發散則熱毒隨陽氣暴  
出遍身皮肉潰爛此不善表之過治法宜  
調脾進食令大便秘得所安養榮衛生肌解  
毒則無目赤咽痛口瘡吐衄等證解之不  
至於冷調養不至於熱方爲良法斑爛作  
膿痛甚者用乾黃土羅細末傳之輕者則  
研芒硝猪膽汁調塗勿令動著直候痂死

自落大段不眠臥者。用麥麩襯之。又有因發表過甚。外爲斑爛。而內虛陽氣不守。臟自利。此又急當救裏。宜理中。荳蔻之類。臟腑既平。則解外亦不可緩也。

理中湯方見前十六條下

膿汁不乾者何第五十二

瘡痘出得大盛。膿汁淋漓。不可著蓆。疼痛者。用乾黃土羅細末。傅之。欲不成癥痕者。

火煨乾牛糞研細以綿撲之大段甚者麥  
麩攪臥如暑月熱盛當藉之以芭蕉葉爲  
佳

陷伏倒靨者何第五十三

內虛不能出者謂之陷伏外感風寒被惡  
衝觸而不得出者謂之倒靨然有始末輕  
重不同若一槩用藥必致天橫瘡痘以出  
斑點爲始血疱爲中結膿窠痂疔爲末且



斑點之始。熱毒方運出。亦有陷伏。亦有倒  
靨者。若外感風寒。肌竅閉塞。血凝而不行。  
必身痛。四肢微厥。斑點不長。或變黑色。或  
青紫癰疹。此爲倒靨也。宜溫肌發散。如紫  
草蟬退。人齒僵蠶紫背荷葉之類。須令溫  
散寒邪。然後熱氣復行。則其斑自出矣。若  
胃虛而不能副榮衛者。出而復沒。斑點白  
色或黑色。其人必不能乳食。大便自利。或

嘔或厥此胃虛而不出謂之陷伏也宜用  
溫中之劑令其胃煖榮衛復行則當自出  
矣宜理中湯丁香煑散之類甚至薑附硫  
桂亦可用血疱爲中者是紅斑出齊之後  
其狀如豆起於肌皮之上乃未結膿疱痂  
疔之前證也血疱七日當結膿窠痂疔當  
此或風寒襲而爲倒靨或胃虛吐利而爲  
陷伏者治之亦如前法又有房室等雜氣

觸犯而然者當用蒼朮猪甲乳香胡荽等  
法薰解之良方腦子猪血酒治毒氣入臟  
而不出者本方用猪尾膏治瘡子倒靨而  
不出者皆非前項證候乃血熱毒盛之藥  
耳學者宜詳辨之

理中湯方見前十六條下

丁香煑散治脾胃虛冷嘔吐不食

丁香

不見火

紅豆

瘡痘黑靨有四證一則感風寒二則毒氣  
大盛毒復入裏三則內虛無陽氣應之四  
則房室等雜氣觸犯所得之證既不同用  
藥救療豈得不異感風寒則宜溫散毒氣  
盛則宜利小便解毒內虛宜溫裏觸犯宜  
重解大抵黑靨而發寒者爲重不發寒者  
爲輕發寒之證是脾弱反爲腎水所勝錢  
氏用百祥丸以瀉膀胱之毒令陽氣復還

脾土溫煖。所謂瀉膀胱經水。必令脾土自勝也。

百祥丸方見前二十四條下

既出而狂呌喘呼者何第五十七

瘡痘已出熱毒自裏而達表狂呌喘呼者臟腑熱燥而無津液也。今五臟皆熱無陰氣以和之。故令陽氣獨盛於上。爲狂呌爲喘呼。宜犀角地黃湯抱龍丸竹葉石膏湯。

之類更看大小便何部不利利之則平

犀角地黃湯方見前十八條下

抱龍丸方見前十六條下

竹葉石膏湯方見前四十七條下

不加橘皮

熱盛則出愈難其證大便不通小便

如血或爲癰瘡身上破裂者何第

五十八

物之盛者皆失其中况病勢太過者乎瘡

痘本因熱而出熱勢甚則其出愈難蓋勢盛則榮衛爲之閉塞毒氣彌蔓裏毒盛者大便不通小便如血表毒盛者或爲癰瘡身上破裂此由不曾解利之故救之法宜犀角地黃湯小柴胡加生地黃湯四順飲牛黃散紫雪之類皆可選而用之也

犀角地黃湯方見前十八條下

小柴胡湯加生地黃方見前四十八

條下

四順飲方見前五十條下

牛黃散治便血由瘡疹陽毒入胃便血  
致日夜無度腹痛啼哭

牛黃

壹分

鬱金

壹兩

右爲細末每服半錢以漿水半盞  
煎至三分和滓溫服量兒大小以  
此增減日二服



又牛黃散治法同前

鬱金

桔梗

天花粉

甘草炙

葛根

各等分

右爲細末每服五分量兒大小薄  
苛湯入蜜調下

紫雪方見前十八條下

不結痂疔者何第五十九

血疱既成當結膿窠痂疔而愈痂疔者作  
靨子是也當結而不結者由內外極熱毒  
氣散漫無陰氣以斂之古方以宣風散導  
之生犀磨汁以解之或飲之以水調沙糖  
當隨手而愈然用沙糖不可失之太早恐  
使瘡子入目切宜忌之又有血疱脹起毒  
氣彌盛而不結痂疔用猪尾膏者其詳於  
猪尾膏證見之

宣風散治身熱煩渴腹滿而喘大小便

赤澁面赤悶亂大吐當利其小

便不瘥者宜服之

檳榔

真箇半兩

陳皮

去白半兩

甘草

炙半兩

牽牛

四兩半生用半炒熟

右爲細末蜜湯調下乳食前服三兩歲以外者每服一錢未及兩蒼者每服五六分

猪尾膏方見前十五條下

誤以巴豆丸藥下之則內虛而熱不  
除者何第六十

腸胃有熱而須蕩滌者宜湯液之劑飲食  
成積而須下者宜丸子藥令瘡疹合下  
證誤用巴豆丸藥則徒損胃氣熱毒反得  
以深入其熱愈不除或致便膿血或爲癰  
疽或爲腫毒變生諸證用藥者宜當知之

百祥丸證第六十一

瘡痘紫而乾陷以百祥丸下之不黑者慎勿下然陷下有數種當以外證參詳感風寒而黑陷者宜溫散之內虛自利而黑陷者宜溫之誤下之後毒氣入裏而黑陷者則宜溫養而表出之被雜穢惡氣衝觸而黑陷者則宜熏解之若夫毒至重內外蒸鬱不結痂疔大小便秘腹脹而黑陷者當

以百祥丸瀉膀胱經毒服之身溫欲飲水者可治是脾強勝腎陷者當復出矣若加以寒戰身冷汗出耳尻反熱死要之錢氏論瀉膀胱毒於已陷之後不若保脾土於未陷之先乃爲上策學者試思之

百祥丸方見前二十四條下

猪尾膏證第六十二

虛汗實汗皆汗也虛熱實熱皆熱也瘡痘

倒靨亦有虛實之不同可不分析而辨正之哉如瘡痘始發或斑點或血疱未結痂疔之際因久不食或自利或感風寒至不能出者雖名倒靨則宜溫之其或心煩狂躁氣喘妄言如見鬼神大小便秘渴而能食毒盛而倒靨者此證爲實與前諸證倒靨霄壤相遠宜猪尾膏又有血疱六七日當結膿窠痂疔而不結者是毒氣盛實心

火獨燥當此亦宜用猪尾膏曾用之進一服隨手結痂死神速特異以意思之人遇寒暄不常之時脫著衣服必先呷冷水一二口卽不感冒者是心涼腠理閉而斂則風寒不能侵之也今用猪尾膏正以血能歸心引腦子以涼之心涼則毒氣消釋榮衛流通於是血疱結膿窠膿窠結痂而餘證自退矣如傷寒厥陰證土敗木賊以



承氣湯下之。脾間毒去則脾土和水升火  
降寒熱作而大汗解。猪尾膏之意得心竅  
開通熱毒解散則氣和神甦自結痂疔蓋  
當結而不結者恐毒氣復入於裏昏悶而  
死故也。以此言之瘡疽至血疱欲作膿疱  
之際毒氣已盡在外矣。昧者見斑點之後  
血疱出遲便用猪尾膏殊不知毒氣未出  
盡而使心胃寒涼則毒氣內閉殺人甚速。

然則猪尾膏一藥是實熱證方可用也茲特出此一項正欲明白使人無惑也學者宜盡心焉

猪尾膏方見前十五條下

聞人氏痘疹論卷三

聞人氏痘疹論卷四

已結痂疔欲不作癍痕或已成癍痕  
欲消者其法何如第六十二

纔結痂疔卽以真酥潤之用手搔破或剥  
去又更潤之稍遲則乾硬深入肌肉經久  
方脫遂成癍痕此理昭然人多不曉反謂  
剥落早則成癍痕何其誤也然旣剥去之  
後却不得早見風冷須當愛護其氣不能

剥去而又出風太早以  
僧爲末水調塗之疾藥散  
散青金散皆可選而用之也

### 疾藥散

右白疾藥子一升炒黃爲末以麻油  
和如泥炒令焦黑塗傳如無疾藥赤  
小豆末和雞子調用亦妙

### 鷹屎白散

人精

鷹屎白

右等分和勻敷于瘡其癰痕自消  
馬齒莧散

右用馬齒莧菜搗汁煎濃傳之或  
以渣薄傳其上

青金散

白蔹

五錢

山梔

五錢

青黛

五錢

膩粉

壹錢

右爲末每用些少生麻油調傳

瘡痂起而能食者何第六十三

人身安健爲常稍有疾病則精神氣血爲之不安况小兒瘡痘自斑點發見至結痂疔日數雖有遲速之不同其精神氣血勞耗多矣大率瘡痂既起則中氣暴虛多不能食必藉參苓輩調養之其間或有瘡痂起而能食者是胃中宿有蘊熱故也蓋胃

熱則消穀所以能食其人更大便秘或  
大便難當用三黃丸利之否則恐胃熱不  
去鬱爲口臭齒腐生風之證流散四肢則  
發爲癰疽瘡腫之毒是說也惟善治未病  
者知之然亦有一等脾胃素壯實者亦自  
能食大便亦不至有秘結之患此又不可  
不知也

三黃丸

黃芩

五錢

大黃

各分濕熱  
包煨熟

黃連

各分

右爲末煉蜜爲丸麻子大每服十  
五丸或二十丸食後米湯下

病後解利當觀虛實者何第六十四  
稟受有虛實病有虛實病後亦有虛實不  
可一槩而論瘡疹後須當解利此世俗通  
議然觀虛實可也且小兒稟受既實榮衛



充壯病後有熱者宜與解利其證大便難  
小便赤能食而渴大段熱甚者宜大黃散  
熱留胃經嘔吐而口舌生瘡或下利黃赤  
者宜黃連散煩渴而小便少者宜五苓散  
餘熱溫壯齒疼或腫者宜甘露飲咽疼者  
宜抱龍丸如聖湯肝有熱毒多怒呌而不  
得眠者宜調肝散大腸下血疼痛者宜牛  
蒡散三黃熱艾湯生痘癰者宜小柴胡加

生地黃湯。犀角地黃湯。無熱證者。但當隨  
宜安養而已。或其所稟素弱。瘡痘既出  
之後。榮衛大虛。坐立振搖。大便不秘。小便  
不赤。飲食不甚進者。宜胃受散。異攻散。雙  
和散之類。以扶持之。候其飲食如故。起居  
稍盛。榮衛既充。然後微微解利。未爲之晚。  
或至虛之人。不必解利也。嘗見虛怯小兒。  
不應解利而強與解利。遂爲寒中。爲下利。

生病多端事敗於已成可勝惜哉

大黃散卽川黃散

大黃微炒壹兩

川芎壹兩

黃芩五錢

枳殼五錢

右剉每服壹錢水一小盞紫草少許煎半小盞溫服不拘時但腹脹滿心胃悶喘急面赤睡中譫語卽可下若大便如常此又不可下熱

在表故也

黃連散

右用黃連壹兩去鬚爲末每服壹錢水一盞煎五分不拘時量兒大小虛實與服瘡痘初發亦宜服之

五苓散方見前第十六條下

甘露飲方見前第三十八條下

抱龍丸方見前第十六條下

如聖湯方見前二十九條下

調肝散

黃耆

五錢

石膏

五錢

大黃

貳錢

生犀末

壹分

桑白皮

壹分

鈎藤

卽鈎子壹分

麻黃

去節壹分

瓜蒌仁

去皮壹分

甘草

壹分

草龍膽

五分

右剉每服貳錢水一盞煎半盞食

後時時溫服少許

牛蒡散

右用牛蒡子炒爲末水煎一盞服之小兒冬月有非節之暖及春月天氣暄暖或肥甘之過或重衣溫厚幃帳周密傷皮膚害血脉瘡瘍發黃是生多疾宜預常服之

三黃熟艾湯方見前二十六條下

小柴胡加生地黃湯

柴胡

壹錢

半夏

五分

人參

小錢

甘草

五分

黃芩

貳錢

生地黃

參錢加

右爲麤末每服參錢水一盞煎六分服

犀角地黃湯方見前十八條下

胃愛散

糯米

壹兩

乾淡木瓜

叁分

甘草

壹分

丁香

拾陸箇同炒

藿香葉

壹分

紫蘇葉

壹分

右件乾爲細末每服壹錢或五分  
粟米棗子湯下

異攻散

人參

貳錢

白朮

貳錢

白茯苓

貳錢

甘草

壹錢或分



陳皮

參錢貳分

右剉每服貳錢水一盞煎五分溫

服

雙和散

白芍藥

貳兩五錢

黃耆

壹兩

熟地

壹兩

川芎

壹兩

當歸

壹兩

甘草

七錢五分

官桂

七錢五分

右爲麤末每服參四錢水一盞半  
棗貳箇生薑叁片煎至五分食前

溫服

餘毒作嘔吐者何第六十六

脾胃主納而不出大小腸主出而不納瘡  
疹後嘔吐者是餘毒在胃也然有冷熱之  
不同如心煩作渴食乳甚急聚滿於胃中  
然後吐出如射其人必面色帶赤手足心

熱居處喜涼此熱吐也如乳食水漿隨吐  
面色青白手足冷大小便自利此冷吐也  
熱吐者竹茹湯五苓散竹葉石膏湯加橘  
皮之類以主之冷吐者益黃散理中湯九  
輩主之要之病後餘毒多是熱邪其間冷  
證十有一二也

竹茹湯

橘紅

貳錢

半夏

貳錢

白茯苓

貳錢

甘草

五分

竹茹

壹圓

黃連

壹錢  
薑炒

葛根

壹錢五分

右水一鍾生薑參片煎五分不拘

時溫服

五苓散方見前十六條下

竹葉石膏湯方見前四十七條下

不加  
橘皮

益黃散方見前二十六條下

理中湯方見前十六條下

病後忽遍身青黑色手足瘳瘳口噤  
涎聲如鋸者何第六十七

此名中風也小兒瘳痘方愈榮衛正弱忽  
作前項證候者由節令氣交八方不正之  
氣乘虛中入宜和劑方消風散二錢入蟬  
蛻末一錢分爲三服投生薑薄荷汁及酒  
各數點溫湯浸之連二三服當隨時少進

或作癰癤。或再出膚疹而愈。京師醫官宋鑑嘗用此藥。無不愈者。後傳此方用之。如神。或小續命去桂。附加荊芥亦可也。

消風散

人參

羌活

川芎

甘草

炙

荊芥

防風

茯苓

蟬蛻

厚朴

薑蠶

陳皮

去白

藿香

已上各五錢

右爲末每服貳錢茶清調下

小續命湯

去桂附加荆芥

麻黃

去節

人參

黃芩

芍藥

防已

川芎

杏仁

已上各壹兩

甘草

防風

壹兩五錢

荊芥

加

右剉每服五錢生薑五片水一鍾  
煎五分食前溫服

病後非時發搐搦者何第六十八

一則心熱留而不去熱盛生風風火相搏  
其人必喉中有痰目直上視面赤引飲居  
處喜冷宜導赤散抱龍丸小柴胡加生地  
黃之類一則病後多食胃弱不能勝穀謂



之食蒸發摘其人必潮熱大便酸臭秘洩  
不調或嘔吐腹疼宜紫霜丸小承氣湯輩  
以利之用藥之際要在加審

導赤散方見前二十八條下

抱龍丸方見前十六條下

小柴胡湯方見前四十八條下

紫霜丸

代赭石

貳錢水飛

杏仁

貳拾壹粒去  
皮尖

巴豆

貳拾壹粒去油心用膜

右爲末飯丸如粟米大每服三五丸至十九丸阜角仁湯下

承氣湯

方見前二十五條下

作痘癰結核腫毒者何第六十九

此由毒氣畱藏經絡故於肌肉虛處或關節動搖處偏盛而成癰又或旣平之後失於解利餘毒大盛外不得泄於皮膚內不

得入於臟腑聚而不去遂爲之癰如毒氣  
淺者止生結核腫毒瘡癰而已甚者至頭  
頂腦脇手足肢節盡燼腫作痛治法惟小  
柴胡加生地黃最妙如升麻湯消毒飲犀  
角地黃湯皆可選而用也

小柴胡湯

加生地

方見四十八條下

升麻湯

方見前第八條下

消毒飲

方見前三十八條下

犀角地黃湯方見前十八條下

病後目翳忌用點藥者何第七十

瘡痘毒氣之爲目翳也蓋自臟而達外治之之法但活血解毒而已活血不至於熱解毒不至於冷五臟平和則翳當自去或誤用點藥則非徒無益而又害之不可不慎

病後大小便不通或便膿血者何第

七十一

此由失解利之故熱氣併於小腸則小便不通併於大腸則大便不通如前後部俱不通者熱勢爲甚四順飲承氣湯五苓散導赤散之類可選而用也其有熱毒入大腸而便膿血者牛黃散犀角地黃湯黃連解毒湯三黃丸等宜斟酌量用之

四順飲方見前五十條下

承氣湯方見前二十五條下

五苓散方見前十六條下

導赤散方見前二十九條下

牛黃散方見前五十八條下

犀角地黄湯方見前十八條下

黃連解毒湯方見前五十條下

三黃丸方見前六十三條下

餘毒咳嗽脅疼者何第七十二

經云左右者陰陽之道路左右兩脅之謂也瘡疹後咳嗽脅疼由餘毒在中陰陽之氣不能升降也脅居一身之左右陰陽二氣之所行也脅病是氣不能升降之故但解毒氣毒氣去則真氣行所苦自平赤茯苓湯小柴胡加五味子桔梗枳殼等療之

赤茯苓湯

赤茯苓

甘草

炙

大青

升麻

枳殼

梔子

右水一小盞苦竹葉七片豆豉三十粒煎五分分爲三服看兒大小加減

小柴胡湯加三味

柴胡

壹錢

半夏

五錢

人參

貳錢

甘草

五分



黃芩

貳錢

五味子

加

桔梗

加

枳殼

加

右爲麤末每貼參錢水一盞煎六分

餘毒作煩渴者何第七十三

心胃二經受邪熱故也五苓散竹葉石膏湯黃連散燈心散等主之

五苓散見前十六條下

竹葉石膏湯方見四十六條下

黃連散方見六十五條下

燈心湯

燈心

壹把

鰲甲

貳兩醋煮黃

右剉每貼壹兩水一鍾煎四分

天氣暄熱卽與疎利膿疱之後亦當

疎利者何第七十四

經言上工治未病嬰兒童子雖虛實不同

畢竟純陽當瘡痘未出之先或遇天氣暄  
熱當與疎利庶幾發作之日其勢必輕又  
膿疱之後毒氣大盛未結痂疔能食而大  
便秘面赤引飲者亦當疎利之疎利之說  
非是轉下不必用峻藥也如三豆飲子升  
麻湯消毒飲導赤散之類是也

三豆飲但時有天行痘瘡宜預服此

赤小豆

黑豆

菜豆

各壹升

甘草節

五錢

右淘淨煮熟任意食豆飲汁七日  
自不發雖發亦輕快

升麻湯

方見前第八條下

消毒飲

方見前三十八條下

導赤散

方見前二十九條下

疎利與轉下不同者何第七十五

瘡痘已出卽不可疎利未出之時可疎利

之疎者疎散熱氣利者滑利肌竅使無壅  
遏之患而已曷嘗令轉下也疎利用輕清  
之劑彼轉下者非猛浪不可疎利轉下相  
去甚遠不可不辨

用藥不可執一者何第七十六

前輩言老人之病必先助火以其陰盛而  
陽微當預溫之治小兒當先瀉火謂其陽  
多而陰少須用導引勿令生熱然或有老

而實幼而虛者此又當隨時變通又五實  
當瀉謂身熱脉大大小便不利能食悶瞢  
爲五實之證五虛當補謂身寒脉細不食  
前後利汗出爲五虛之證或曰用利藥者  
候大小便秘而利則利之愈用溫藥者候  
大小便利而溫則溫之愈二者合利而利  
合溫而溫也其或外證合利大小便已自  
利何必利合溫大小便既自溫何必溫大

抵治病最嫌陰陽偏勝用藥者但令陰陽不偏則是常有生意又况小兒臟腑嬌脆易寒易熱易虛易實尤難調和所以用藥不可執一也

用緩慢藥反致害人者何第七十七病有外同而內異者又有病中遇天時節令變遷因而感異氣者又有病中氣血不定宿有蘊藏之疾隨之發動者其證未易

辨識凡用藥之際須當識證切中病源但欲治熱當令熱去而不冷治冷當令冷去而不熱則無不愈者治風以治風藥治溫以治溫藥治癆治氣用治癆治氣藥今人不能究其病因一槩用不急之藥如四君子參苓之類其意止欲逃差誤耳殊不知縱令病勢滋蔓誤人極多要之用和緩之藥亦各從其類而和緩耳何嘗謂不切病



情而徒能和緩耶

貴賤不同用藥亦異者何第七十八  
富貴之人形樂而志苦加之以奉養既過  
風雨寒暑之邪易於侵襲故方暑而傷熱  
多陰則中寒喚荊芥薄荷而腹痛服桂附  
丹石而不知其熱貧賤之士其形雖苦其  
志則安服薑橘蒼朮則熱發而大便秘狎  
風雨霜露而習以爲常用藥之際安可一

槩論哉其他又有形志俱樂形志俱苦之  
不同學者各併知之

方宜不同用藥亦異者何第七十九  
經云一病而用藥各不同然皆愈者何也  
答曰此地勢使然爾於是悉論五方地勢  
與夫風土受病治病之異如張仲景論治  
傷寒用桂枝麻黃大青龍證云西北二方  
四時行之無不應驗惟江淮地暖處須用

加減法此亦言方宜之不同也雖然西北風土剛強外邪不能侵襲病生於裏其治宜毒藥設有陰證亦須用理中四逆之類以復陽氣東南方陽精拱上其地下水土弱霧露之所聚證有陽盛之證如大黃芒硝輩寒涼之劑亦當用之治小兒瘡痘亦當知方宜之說又當知變通之理是故非圓機之士不足以言醫

理中湯方見前二十六條下

四逆湯

甘草

壹兩

乾薑

柒錢

附子

或錢五分

黃連

五錢

右剉作一服水一盞煎五分溫服

乳下嬰兒與能食童子不同者何第

八十

乳下嬰兒榮衛未足胃氣未全風冷易入

乳食易傷如水上之泡草頭之露一但遇  
疾不得已而用藥須精確審諦蓋藥性非  
寒則熱不表則下嬰兒多服藥乃是反爲  
之累不若常令乳母服餌間以少許與兒  
始爲良法彼能食童子自絕乳之後酒麪  
甘肥魚肉滋味無不備矣但有疾疴與大  
人治法一同但小其劑耳

董汲方指迷論錢氏朱氏所論不同

者何第八十一

董汲方謂瘡疹證候已明使用大黃青黛等藥指迷論謂切不可投以溫劑錢氏仲陽立說戒不可妄發及妄下朱奉議活人書中云小兒身熱耳冷尻冷輒用利藥則毒氣入裏殺人四人之見不同皆局於一方非通論也大抵臨病之際要在隨證商確安可執一定之說以應無窮之變哉古

人有言曰醫也者意也其有旨乎

附三豆飲見前七十四條下

雞子方

冬月養童子雌雞於靜室中飼以米穀不令食毒穢蟲豸等物守其生卵記取次第自一至七完足以稀網袋盛第一卵投糞廁中廁中不可有六畜糞次日乃投第二卵餘次第如之至第八日

則第一卵七晝夜足矣取起埋土中  
一晝夜去穢氣次日晝蒸空心與食  
乃取起第二卵如前去穢與食餘漸  
次如之

右雞子每年冬月與食七枚可使  
痘疹輕者不發重者輕快試之有  
驗



附錄

阮氏序

大學曰若保赤子心誠求之醫以小兒爲  
症科難療而療瘡疹尤爲難也可不懷惻  
隱之心乎欽惟 聖朝頒降聖濟總錄其  
論瘡疹曰小兒稟受純陽腑臟蘊熱或遇  
時疫遂變瘡疹速宜疎利臟腑然亦須詳  
審若大便已利或瘡疹已出皆不可疎亦

不可汗既瘥之後尤宜利去餘毒倉公扁鵲常用油劑草劑其法最妙此總論本乎素問爲通治之大法天下後世所當遵而用之詎有南北之間乎孫思邈千金方以黃連苦參猪膽青黛大黃等藥除熱解毒聖惠方治法亦云疎利與總論無異焉其間名醫世出錢氏董氏王子亨丁道濟陳良甫龐安常諸家皆主疎利獨朱奉議之

論

疎轉首尾皆不可下其方中却有

洗心散治

麻黃若要溘轉

則熱服又有水解散治痘瘡未出煩躁或  
出尚身體發熱及出不快大黃麻黃

得汗則便瘥又有無比散用水銀膩粉腦  
麝取轉下如爛魚腸之類涎臭惡物便安  
若此則可轉可下利矣識者疑其一家方  
論自相冰炭者何歟及觀陳文中援黃帝

岐伯曰陽盛陰虛冰雪不知寒陰盛陽虛  
沸湯不知熱治之何如陽盛則補陰木香  
散加丁香官桂陰盛陽虛異攻散加木香  
當歸識者評其陰盛陽盛一藥俱用熱藥  
本非黃岐之經旨類乎實實虛虛抱薪救  
火若曰皆屬心火又不可與素問同日而  
語也又觀其本方治痰實壯熱胸滿喘急  
大便堅實用柴胡枳殼湯亦有大黃其諸

方之用柴胡黑參知母黃芩石膏滑石之  
劑亦未嘗專於熱藥也奈何世人喜熱而  
畏寒致有陰陽偏盛之患終不省悟瘡瘍  
心火之平鄭端友曰首尾證平下之者  
誤首尾實熱不下者誤首尾虛寒不補者  
誤誠哉是言也劉守真論瘡疹未出誤以  
熱藥致陽熱轉甚則重密出不快多致黑  
陷而死世俗云恐是斑疹不敢服藥以誤

小兒諸病多矣亦不知古人雷涼瀉之藥

使熱勢稍退而稀少出快早得痊愈若用

涼膈散最爲妙耳

此劉守真未出時用

張子和云斑

疹之作多於五寅五申歲相火故也世人

多以熱藥發之其失甚多紫黑青色大小

不齊此蓄熱在內必生喘脹十死八九善

治者莫若先用承氣湯疎藥使大開門戶

自然出快更宜預

白虎湯加人參或

涼膈散之類先

也此證

不疎瀉斑

必生別證或痢或癰也又云朱奉議  
首尾不可下使人戰戰兢兢不敢用藥死  
者塞路矣此證

相火豈有寒歟又

云有人棄瘡疹死兒於水中熱得水涼而  
解遂因以活者至於羅謙甫所集潔古東  
垣海藏三家一宗之書論世俗相傳之害  
有三首尾不可下一也朱奉議之爲此戒

者蓋必有下而失之者爾自首至尾果有  
當下之論通利之可也又云必溫煖覆蓋  
不令通風氣二也若發於凝冬之時病體  
涼而惡風寒不使通風氣則變生他證也  
又云瘡初生卽以鹽乳紫草葡萄胡荽之  
類併發之三也如其瘡須出而不漸次長  
發則必安其裏而發其表其瘡日生而日  
長如循循如度其又以疊疊以雜藥諸物



發之使毒併出不爾小兒難禁

此北方民醫東垣潔

古海藏三十七生

或因通今審思明辨

寒者溫之熱者涼之虛者補之實則瀉之

不偏倚而致中和同登仁壽之域是誠老

拙之所願望也其總錄千金聖惠等書與

大諸家方論部帙繁多醫家無力可收民

間鮮有見者僕今撫其瘡疹類書附以日

用得効方法本草類要良方集成夫婦補

益男女生育等方陸續刊行以奉聖朝生  
生之大德云

時至治三年歲次癸亥中秋月太平路醫  
學教授宛陵阮桂榮宗華謹書

聞人氏自序

士生斯世窮達兩途孟軻氏有言曰窮則  
獨善其身達則兼善天下雖然窮而未達  
者能學爲良醫亦豈獨善其身而已哉規

素業書卷今茲從事後木嘗謂自昔聖賢  
閔生民之疾苦著書立言汗牛充牣晚觀  
唐孫思邈千金方其次序深有旨意三十  
卷之首觀之以婦人嬰孺護養拯救之說  
寧不以生育爲重乎規因念婦人之有乳  
免小兒之疾苦惟瘡疹皆不可免而治療  
之間毫髮一差生死隨異仁人君子所尤  
當審慮者世傳產方

論其利人也甚

博雖小兒痘瘡諸書止看其大畧倉卒之  
際何所憑藉焉規輒不揆量廣求古人之  
議論證以已所聞見撰成問難八十一篇  
凡三卷目曰小兒痘疹論每施以濟人隨  
試輒効所活者亦多使家有是書則豈曰  
小補之哉此論之成久矣欲鋟諸梓而力  
未克遂邇來幸甚獲登繡使煥章吳公門  
牆一日迨暇因有請言公卽慨然捐金以

成其事吁公之賜豈私於規者實與衆共  
之其有訛舛改而正諸以俟同志紹定壬  
辰仲夏攜李待補國學進士聞人規叙待  
僕攜此書抄本宦遊南北二十餘年尋  
印本校正未得叨教太平獲的本於天  
門王氏帙後寫紹定壬辰聞人伯園見  
贈於右泐泉臺之石幄湯熙伯誌贈王  
仲安惜不見其原板何在謹重刊以廣

其傳誠幼幼之活法也月溪阮桂榮識

又自序

嬰孩之疾莫危於瘡痘形色變異應於呼吸之間生死關係可不謹歟昔之名醫非不立論按證授方散在篇帙帙無統紀臨危往往失錯蓋不素講故也獨張君從道著書一百二十篇發明前人所不到此醫家之秘藏童孺之司命也其板刊於務章

帥府人亦罕見縱得其書其中玉石混散又不能窮其旨趣可勝浩歎規家世儒也

甲場屋二十年僅得一國庠書生之効取是遂取黃帝仲景諸書晝夜誦習乃與意合轉從於金石草木庶可以遂其平日濟人之志此蓋先之所愿也得張君之書每以其拯疾無不脫手而愈益知其幹旋之妙然其文意繁冗惜乎後學未可

天  
推究規細繹百數大窺閫奧撫其精  
華切於治療者八十一篇作三卷始則論  
將發之證中則論已發之證末則論

之證并附益以他說於張君書畧有增損  
非敢改革也書成  
吳先生持繡節

於西澗一見遂捐金勉之刊梓先生愛人  
利物使嬰孩無夭折之患則張君之書與  
規之名布之四方皆先生隱德也端平乙



未上元後五日待補國學生聞人規序

僕嘗因公趨杭聞一老醫善治瘡疹勉  
其施方未從僕刊行此書示之乃出印  
本校對字字相同但無紹定壬辰之序  
而有端平乙未者因知聞人氏之八十  
一論本於張從道百二十篇之精華也  
月溪阮桂榮識

右序三篇頗多闕誤今悉仍其舊以

侯知醫君子是正之

附錄終

重刊痘疹論後序

痘疹上古所無漢末傳自西羌說者謂中國之氣澆薄而裔夷不正之氣得以乘之歷魏晉及唐至宋始盛猶未若今日之甚也是何也世道愈降嗜欲愈多則火疾愈熾驗諸近歲之楊梅毒可見矣正德初元以前江浙以北未之有也近自嶺南傳至展轉相染日漸以多殆不爲怪安知百年

之後其染人也不若今之痘疹乎噫人自  
始生以至壯室斃于痘者殆過半矣或垂  
名不能免焉其虐害生靈誠慘酷哉而  
世間胞胎之毒人無庸力遂付之無可奈  
何亦何謬耶夫痘疹之作有三道焉胎氣  
之毒也地氣之毒也時氣之毒也內外相  
須而發也何以言之百疾皆再發而痘疹  
止于一焉謂非胎氣可乎迤北韃虜海島

倭夷其在本土無之而入中國則發謂非  
地氣可乎時而輕也十不失其二三時而  
重也十常喪其八九謂非時氣可乎是知  
胞胎之始父母飲食嗜欲之火固已蘊毒  
于中及有外邪觸之則忽焉盡發而輕重  
隨所感矣故毒之爲字从生从母蓋言生  
自母腹乃爲至毒正今痘疹之謂也聖人  
制字之始雖未有痘疹而已逆知後世胞

胎之毒必至是矣標兩女皆慧甚而皆以  
痘夭嘗深恨之竊謂虛羸不足之疾真元  
耗削固非醫藥所及也而痘疹乃有餘之  
毒能解利其毒宜無不愈矣奚爲而遂委  
諸天耶蓋由上古聖賢如岐黃盧扁旣皆  
未之發明近古醫工雖或立方著論亦未  
詳切則今之庸醫本以鹵莽之學苟圖朝  
夕之利而又以躁妄嘗試之心濟之其多

失誤理固然矣此孔子所以戒無恒也我  
舅氏儼山先生嘗聞宋有聞人氏八十一  
齡最爲周悉而世無傳本求之未得今春  
侍御柏山先生來佐吾郡首以是書爲舅  
氏贈蓋用今朝邑時所刻也舅氏得之如  
獲拱壁吮抄方附焉命僚覆校朗書分爲  
四卷再刻以傳誠欲幼吾幼以及人之幼  
也嘻是書行而天下遂鮮夭折之患生齒

日益繁  
謂位天地而育萬物者孰有  
大於此耶是二先生及物之功固當與禹  
稷並也乃拜手以序其末簡

嘉靖甲辰夏四月己巳朔門生黃標謹序